

10067

=82



皇朝文獻通考卷一百四十二

皇王禮考十八

皇太后

皇后妃嬪首飾服章制度

福晉以下至命婦同

臣等謹按周禮內司服掌王后及外內命婦之服

其別有褱衣褕翟鞠衣展衣緣衣素沙追師掌王

后之首服其別有副編次追衡笄漢制太皇太后

皇太后入廟服紺上阜下蠶服青上縹下皆深衣

制而首飾則有假紒步搖簪珥之名魏晉以降首



飾有鑲有花釵以多少為品秩隋制皇后服四等
襪衣鞠衣之外別有青衣朱衣唐制命婦之服自
翟衣而外別有禮衣公服半袖裙襦大袖連裳之
類宋制皇后常服有龍鳳珠翠霞帔蓋歷代之制
不同如此誠以損益因乎時毋取沿襲也

國朝定制

皇太后

皇后冠服有朝服吉服二等金約領約朝珠綵帨皆有
皇朝制度

皇貴妃以下及公主諸王福晉命婦各以品秩為差
等今據

皇朝禮器圖式具載于左

皇太后

皇后朝冠

冬以薰貂為之夏以青絨為之上綴朱緯頂三層
貫東珠各一皆承以金鳳飾東珠各三珍珠各十
七上銜大東珠一朱緯上週綴金鳳七飾東珠各
九貓睛石各一珍珠各二十一後金翟一飾貓睛

石一小珍珠十六翟尾垂珠五行二就中間金銜
青金石結一飾東珠珍珠各六末綴珊瑚冠後護
領垂明黃縹二末綴寶石青緞為帶

皇太后

皇后吉服冠

皇貴妃
貴妃同

薰貂為之上綴朱緯頂用東珠

皇太后

皇后金約

鏤金雲十二飾東珠各一間以青金石紅片金裏

後繫金銜綠松石結貫珠下垂五行三就中間金
銜青金石結二每具飾東珠珍珠各八末綴珊瑚

皇太后

皇后耳飾

左右各三每具金龍銜一等東珠各二

皇太后

皇后朝褂

皇貴
妃同

色用石青緞紗單袷惟其時片金緣領後垂明黃
縹繡文或前後立龍各二襍積四層相間上為正

龍各四下為福壽文或前後正龍各一耍帷行龍
四中有襞積下幅行龍八或前後立龍各二中無
襞積下幅八寶平水

皇太后

皇后朝袍

皇貴妃同

色用明黃緞紗單袷惟其時披領及袖俱石青片
金緣冬加海龍或紫貂緣上下襲朝褂處亦加緣
領後俱垂明黃絲繡文或金龍九間以五色雲中
無襞積下幅八寶平水或前後正龍各一兩肩行

皇太后

龍各一耍帷行龍四中有襞積下幅行龍八或中
無襞積繡行龍下為八寶平水披領俱行龍二袖
端俱正龍各一袖相接處俱行龍各二

皇后龍褂

色用石青棉袷紗裘惟其時繡文五爪金龍八團
兩肩前後正龍各一襟行龍四或加繡下幅八寶
立水袖端行龍各二

皇太后

皇后龍袍

色用明黃領袖俱石青棉袷紗裘惟其時繡文或金龍九間以五色雲福壽文或五爪金龍八團兩肩前後正龍各一襟行龍四下幅俱八寶立水領前後俱正龍各一左右及交襟處俱行龍各一袖俱如朝袍

皇太后

皇后領約

鏤金爲之飾珠十一間以珊瑚兩間垂明黃縹二

中各貫珊瑚末綴綠松石各二

皇太后

皇后朝珠

朝服御朝珠三東珠一珊瑚二吉服朝珠一隨所御佛頭記念背雲大小墜雜飾各從其宜縹皆明黃色

皇太后

皇后綵帨 皇貴妃同

綠色繡文爲五穀豐登佩箴管繫裘之屬縹皆明

黃色

皇太后

皇后朝裙 皇貴妃以下並同

上用織文紅緞下用石青行龍粧緞皆正幅有襞積夏以紗為之片金緣冬加海龍緣

皇貴妃朝冠

冬以薰貂為之夏以青絨為之上綴朱緯 貴妃以下制皆同後頂三層上銜大珍珠一翟尾垂珠三行二不具詳 就中間金銜青金石結飾東珠珍珠各四 餘如皇后

朝冠之制

皇貴妃金約 貴妃同

鏤金雲十二飾東珠各一間以珊瑚紅片金裏後繫金銜綠松石結貫珠下垂三行三就中間金銜青金石結二每具飾東珠珍珠各六末綴珊瑚

皇貴妃耳飾 貴妃同

左右各三每具金龍銜二等東珠各二

皇貴妃龍褂 貴妃同

色用石青棉裕紗裘惟其時繡文五爪金龍八團

兩肩前後俱正龍襟及袖端俱行龍下幅八寶立水

皇貴妃龍袍

色用明黃領袖俱石青棉袷紗裘惟其時繡文金龍九間以五色雲福壽文下幅八寶立水領前後正龍各一左右及交襟處行龍各一袖端正龍各一

皇貴妃領約

鏤金為之飾珠七間以珊瑚兩端垂明黃縹二中

各貫珊瑚末綴珊瑚各二

皇貴妃朝珠

朝服用朝珠三蜜珀一珊瑚二餘如皇后朝珠之制

貴妃朝冠

護領垂金黃縹二餘如皇貴妃朝冠之制

貴妃朝褂嬪同

領後垂金黃縹餘如皇后朝褂之制

貴妃朝袍同

色用金黃領後垂金黃縹餘如皇后朝袍之制

貴妃龍袍

同 妃

色用金黃 餘如 皇貴 妃龍袍之制

貴妃領約

同 妃

繅用金黃色 餘如 皇貴 妃領約之制

貴妃朝珠

同 妃

繅用金黃色 餘如 皇貴 妃朝珠之制

貴妃絲悅

綠色繡文為五穀豐登結佩惟宜繅皆金黃色

妃朝冠

頂二層貫東珠各一皆承以金鳳飾東珠共九珍

珠各十七上銜貓睛石朱緯上週綴金鳳五飾東

珠各七珍珠各二十一後金翟一飾貓睛石一小

珍珠十六翟尾垂珠三行二就中間金銜青金石

結一飾東珠珍珠各四末綴珊瑚冠後護領垂金

黃繅二末綴寶石青緞為帶東翟各二

妃吉服冠

同 嬪

薰貂為之上綴朱緯頂用碧磁私

妃金約 雲十一輪東翟各一間以青金

鑲金雲十一飾東珠各一間以青金石餘如皇

制之

妃耳飾

左右各三每具金龍銜三等東珠各二

妃綵帨

綠色繡文為雲芝瑞草結佩惟宜縹皆金黃色

嬪朝冠

頂二層貫東珠各一皆承以金翟上銜礪子朱縷

上週綴金翟五飾東珠各五珍珠各十九後金翟

一飾小珍珠十六垂珠中間金銜青金石結飾東

珠珍珠各三餘如妃朝冠之制

嬪金約

鑲金雲八垂珠中間金銜青金石結二每具飾東

珠珍珠各四餘如妃金約之制

嬪耳飾

左右各三每具金龍銜四等東珠各二

嬪朝袍

用香色餘如貴妃朝袍之制

嬪龍褂

色用石青棉袷紗裘惟其時繡文兩肩前後正龍

各一襟夔龍四

嬪龍袍

用香色餘如皇貴妃龍袍之制

嬪朝珠

朝服用朝珠三珊瑚一蜜珀二餘如貴妃朝珠之制

嬪綵悅

綠色不繡花文結佩惟宜綠皆金黃色

皇子福晉朝冠親王福晉周倫公主同

頂鑲金三層飾東珠十上銜紅寶石朱緯上週綴

金孔雀五飾東珠各七小珍珠三十九後金孔雀

一垂珠三行二就中間金銜青金石結一飾東珠

三末綴珊瑚冠後護領垂金黃綠二末亦綴珊瑚

青緞為帶

皇子福晉吉服冠下至輔國公夫人鄉君並同扶各四末綴珊瑚

薰貂為之上綴朱緯頂用紅寶石三線中間金珠

皇子福晉金約親王福晉周倫公主同

鏤金雲九飾東珠各一間以青金石紅片金裏後繫金銜青金石結貫珠下垂三行三就中間金銜

青金石結二每具飾東珠珍珠各四末綴珊瑚

皇子福晉耳飾

下至輔國公夫人鄉君並同

左右各三每具金雲銜珠各二

皇子福晉朝褂

下至郡王福晉縣主並同

色用石青片金緣繡文前行龍四後行龍三領後

垂金黃縹

皇子福晉朝袍

下至郡王福晉縣主並同

用香色披領及袖俱石青片金緣冬加海龍緣肩

上下襲朝褂處亦加緣領後俱垂金黃縹繡文前

後正龍各一兩肩行龍各一襟行龍四披領行龍

二袖端正龍各一袖相接處行龍各二

皇子福晉吉服褂

色用石青繡五爪正龍四團前後兩肩各一

皇子福晉蟒袍

下至郡王福晉縣主並同

用香色通繡九龍

皇子福晉領約

下至郡王福晉縣主並同

鏤金為之飾東珠七間以珊瑚兩端垂金黃縹二
中各貫珊瑚末綴珊瑚各二

皇子福晉朝珠 下至郡王福
晉縣主並同

朝服用朝珠三珊瑚一蜜珀二吉服用一縹皆金

黃色

皇子福晉綵悅 下至郡王福
晉縣主並同

月白色不繡花文結佩惟宜縹皆金黃色

親王福晉吉服褂 世子福晉固倫公主
和碩公主郡主並同

色用石青繡五爪金龍四團前後正龍兩肩行龍

世子福晉朝冠 和碩公
主同

頂鏤金二層飾東珠九朱緯上週綴金孔雀五飾

東珠各六不飾珍珠 餘如 皇子福
晉朝冠之制

世子福晉金約 和碩公
主同

鏤金雲八 餘如 皇子福
晉金約之制

郡王福晉朝冠 郡主
同

頂鏤金二層飾東珠八朱緯上週綴金孔雀五飾

東珠各五後垂珠中間金銜青金石結不飾珠 餘

世子福晉
朝冠之制

郡王福晉金約郡主同

垂珠中間金銜青金石結不飾珠餘如世子福晉金約之制

郡王福晉吉服褂縣主同

色用石青繡五爪行龍四團前後兩肩各一

貝勒夫人朝冠縣主同

頂鑲金二層飾東珠七金孔雀飾東珠各三餘如郡王

福晉朝冠之制

貝勒夫人金約縣主同

鑲金雲七餘如郡王福晉金約之制

貝勒夫人朝褂下至輔國公夫人鄉君並同

繡四爪蟒領後垂石青絛餘如皇子福晉朝褂之制

貝勒夫人朝袍下至輔國公夫人鄉君並同

藍及石青諸色隨所用繡四爪蟒領後垂石青絛

餘如皇子福晉朝袍之制

貝勒夫人吉服褂郡主同

色用石青前後繡四爪正蟒各一團

貝勒夫人蟒袍下至輔國公夫人鄉君並同

藍及石青諸色隨所用通繡九蟒

貝勒夫人領約 下至輔國公夫人鄉君並同

繅用石青色 餘如皇子福晉領約之制

貝勒夫人朝珠 下至輔國公夫人鄉君並同

繅用石青色 餘如皇子福晉朝珠之制

貝勒夫人綵悅 下至輔國公夫人鄉君並同

繅用石青色 餘如皇子福晉綵悅之制

貝子夫人朝冠 郡君同

頂鏤金二層飾東珠六 餘如貝勒夫人朝冠之制

貝子夫人金約 郡君同

鏤金雲六 餘如貝勒夫人金約之制

貝子夫人吉服褂 郡君縣君同

繡四爪行蟒 餘如貝勒夫人吉服褂之制

鎮國公夫人朝冠 縣君同

頂鏤金二層飾東珠五 餘如貝勒夫人朝冠之制

鎮國公夫人金約 縣君同

鏤金雲五 餘如貝勒夫人金約之制

鎮國公夫人吉服褂 輔國公夫人鄉君同

色用石青繡花八團

輔國公夫人朝冠 鎮國公女 鄉君同

頂鏤金二層飾東珠四 餘如貝勒夫人朝冠之制

輔國公夫人金約 鎮國公女 鄉君同

鏤金雲四 餘如貝勒夫人金約之制

輔國公女鄉君朝冠

頂鏤金二層飾東珠三 餘如貝勒夫人朝冠之制

輔國公女鄉君金約

鏤金雲三 餘如貝勒夫人金約之制

民公夫人朝冠

冬以薰貂為之夏以青絨為之前綴金簪三飾以

珠寶護領繚用石青色 其制下達命婦 皆同後不具詳 頂鏤花金

座中飾東珠四上銜紅寶石吉服冠用珊瑚圓頂

民公夫人金約

青緞為之紅片金裏中綴鏤金火焰飾珍珠一左

右金龍鳳各一後垂青緞帶二亦紅片金裏 其制下達

命婦 皆同

民公夫人耳飾

左右各三每具金雲銜珠各二 其制下達 命婦皆同

民公夫人朝褂

色用石青片金緣繡文前行蟒二後行蟒一領後

垂石青縑 其制下達 命婦皆同

民公夫人朝袍

藍及石青諸色隨所用披領及袖俱石青片金緣

冬加海龍緣繡文前後正蟒各一兩肩行蟒各一

襟行蟒四中無襲積披領行蟒二袖端正蟒各一

袖相接處行蟒各二後垂石青縑 其制下達奉國 將軍夫人及三

品命婦 皆同

民公夫人吉服褂

色用石青繡花八團 其制下達 命婦皆同

民公夫人蟒袍

藍及石青諸色隨所用通九蟒皆四爪 其制下達 奉國將軍

夫人及三品 命婦皆同

民公夫人領約

鏤金為之飾紅藍小寶石五兩端垂石青縑二中

各貫珊瑚末綴珊瑚各二 其制下達 命婦皆同

民公夫人朝珠

朝服用三吉服用一珊瑚青金緣松密珀隨所用

雜飾惟宜繚用石青色 其制下達五品命婦皆同

民公夫人綵悅

月白色不繡花文雜佩惟宜繚皆石青色 其制下達命婦

皆同

民公夫人朝裙

上紅緞下石青行蟒粧緞皆正幅有襞積夏以紗

為之片金緣冬加海龍緣 其制下達奉國將軍夫人及三品命婦皆同四

品命婦以下上綠緞緣不加海龍餘制同

侯夫人朝冠

頂鏤花金座中飾東珠三上銜紅寶石吉服冠用

珊瑚圓頂

伯夫人朝冠

頂鏤花金座中飾東珠二上銜紅寶石吉服冠用

珊瑚圓頂

子夫人朝冠 鎮國將軍夫人與一品命婦並同

頂鏤花金座中飾東珠一上銜紅寶石吉服冠用

珊瑚圓頂

男夫人朝冠 輔國將軍夫人與二品命婦並同

頂鏤花金座中飾紅寶石一上銜鏤花珊瑚吉服

冠用鏤花珊瑚圓頂

奉國將軍夫人朝冠 三品命婦同

頂鏤花金座中飾紅寶石一上銜藍寶石吉服冠

用藍寶石圓頂

奉恩將軍夫人朝冠 四品命婦同

頂鏤花金座中飾藍寶石一上銜青金石吉服冠

用青金石圓頂 五品命婦用水晶六品命婦用碾礫七品命婦用素金

奉恩將軍夫人朝袍 四品以下命婦皆同

藍及石青諸色隨所用披領及袖俱石青片金緣

繡文前後行蟒各二中無襞積後垂石青絛

奉恩將軍夫人蟒袍 四品至六品命婦並同

藍及石青諸色隨所用通八蟒皆四爪 七品命婦五蟒餘制

皆同

奉恩將軍夫人朝裙 四品以下命婦並同

上緣緞下石青行蟒粧緞皆正幅有襞積

皇朝文獻通考卷一百四十二

皇朝文獻通考卷一百四十三

王禮考 十九

璽寶符印

臣等謹按馬端臨王禮考有圭璧符節璽印一門
 考古者圭璧之用不一周禮典瑞玉人所載詳矣
 而天球陳諸東序夏璜分於列侯則又珍之以為
 世守之法物焉馬氏云圭璧蓋即符節璽印之類
 三代以來天子所佩曰璽臣下所佩曰印唐時改
 稱璽曰寶而圭璧之制無聞我

朝誕膺

天命設

御寶於

交泰殿初立尙寶司其後以內監典守當用則內閣

請而用之伏讀乾隆十一年

御定寶譜藏之

交泰殿者二十有五藏之

盛京者十

御定序文謂君人者在德不在寶人君日新厥德居安

慮危凝受

皇天大寶命則德足重寶而寶以愈重大哉

皇言斯所以緝熙敬勝而享萬年有道之長也至于崇

上

慈寧徽號則有

冊寶

中宮正位

妃

嬪受封則有

冊寶印之別其制度分寸具有常式載在禮官若夫百司之印以昭法守而防詐僞其別曰印曰關防曰條記曰圖記其鑄造則禮部鑄印局專司之文有漫漶者則請於

朝而改鑄之內外衙門印俱兼用滿漢文其行於藩部者則用蒙古托忒回子唐古忒各種字副

國書以行乾隆戊辰

皇上釐定國書篆法厥體三十有六乃改鑄

御寶及王公百官印

御寶用玉筋篆諸王則芝英篆文臣則有尙方大篆小

篆鐘鼎篆垂露篆武臣則有柳葉篆及篆懸針篆

皆以位之崇卑爲等視漢唐以來官印文專用一

體書者等威益以辨矣茲據

大清會典及禮部檔敬謹編次首載

御寶次

皇太后

皇后冊寶次

皇貴妃

貴妃冊寶

妃冊印

嬪冊次親王世子郡王寶印次諸藩國印次公侯伯

印次京朝直省文武諸司印信關防次符制其

丹符出驗四方者尤為鄭重非尋常符制可比俱詳其規

度以彰

昭代之法守標目稱

璽寶符印而不言圭璧者從

今制也

天聰九年征察哈爾國獲玉璽相傳此璽藏於元

朝大內至順帝為明所敗携璽至沙漠後遂遺失

越二百餘年有牧羊於山岡下者見一羊三日不

嚼草但以蹄跑地牧者發之此璽乃見既而歸於

元後裔博碩克圖汗後博碩克圖為察哈爾林丹

汗所侵國破璽復歸於林丹汗林丹汗亦元裔也

至是和碩墨爾根戴青貝勒多爾袞征察哈爾得

之視其文乃漢篆制誥之寶四字璠璣為質交龍

為紐光氣絢爛洵至寶也多爾袞等喜甚曰

皇上洪福非常

天賜至寶此一統萬年之瑞也於是文館參領鮑承先奏

言

皇上聖德如天仁政旁達苞符協應大寶呈祥

天賜玉璽乃非常之吉兆當敕工部製造寶函諏擇吉日

躬率諸臣郊迎由南門入宮以膺

天眷而昭符瑞仍以得璽之由書於敕諭緘用此寶頒行

滿漢蒙古俾遠近聞知識

天命之攸歸也

上是之

又

上出御營迎勞凱旋諸貝勒受所得玉璽

是時凱旋諸貝勒設案襲以氈奉所得玉璽置於

上令正黃旗都統納穆太鑲白旗都統吏部承政

圖爾格舉案前進諸貝勒率眾遙跪以獻

御幄前設黃案陳香燭

上受玉璽親捧之率眾復拜

天行禮復位傳

諭左右曰此璽乃歷代帝王所用之寶

天以畀朕洵非偶然也

順治二年錢塘縣縣丞黃自昌子禧光進玉璽一

文曰紹興之寶

十年設尙寶監

十二年設尙寶司每遇用

御寶內院會同尙寶監及尙寶司官員公同驗用

十三年裁尙寶司

十八年裁尙寶監令內監守掌凡請用

御寶內院先期知會及期學士率典籍諸官赴

乾清門接出與內監公同驗用

康熙四年十二月溧陽縣獻玉璽一江南江西總

督郎廷佐疏報溧陽縣民顧起龍等獲玉璽篆文

人心惟危道心惟微惟精惟一允執厥中十六字

遣官齎進命收貯內庫賞顧起龍等銀各五十兩

雍正二年十月提督江南總兵官高其位進雙龍

紐玉璽一時黃浦漁人得之海濱漁網中

乾隆三年江南河道總督高斌進玉璽一時河員

濬寶應河得之

十一年

御定交泰殿寶譜

大清受命之寶以章皇序

白玉方四寸四分厚一寸盤龍紐高二寸

皇帝奉天之寶以章奉若

碧玉方四寸四分厚一寸一分盤龍紐高三寸五

分

大清嗣天子寶以章繼繩

濬寶應河得之

十一年

御定交泰殿寶譜

大清受命之寶以章皇序

白玉方四寸四分厚一寸盤龍紐高二寸

皇帝奉天之寶以章奉若

碧玉方四寸四分厚一寸一分盤龍紐高三寸五

分

大清嗣天子寶以章繼繩

金方二寸四分厚八分交龍紐高一寸七分

皇帝之寶以布詔赦

青玉方三寸九分厚一寸交龍紐高二寸一分

皇帝之寶以肅法駕

梅檀香木方四寸八分厚一寸八分盤龍紐高三

寸五分

天子之寶以祀百神

白玉方二寸四分厚八分交龍紐高一寸三分

皇帝尊親之寶以薦徽號

白玉方二寸一分厚七分盤龍紐高一寸三分

皇帝親親之寶以展宗盟

白玉方二寸二分厚一寸二分交龍紐高一寸二

分

皇帝行寶以頒賜賚

碧玉方四寸八分厚一寸九分蹲龍紐高二寸五

分

皇帝信寶以徵戎伍

白玉方三寸三分厚六分交龍紐高一寸六分

天子行寶以冊外蠻

碧玉方四寸八分厚一寸九分蹲龍紐高二寸三

分

天子信寶以命殊方

青玉方三寸八分厚一寸三分交龍紐高一寸七

分

敬天勤民之寶以飭觀吏

白玉方三寸一分厚一寸五分交龍紐高一寸七

分

制誥之寶以諭臣僚

青玉方四寸厚二寸交龍紐高二寸七分

勅命之寶以鈐誥勅

碧玉方三寸五分厚一寸三分交龍紐高一寸八

分

垂訓之寶以揚國憲

碧玉方四寸厚一寸五分交龍紐高二寸

命德之寶以獎忠良

青玉方四寸厚一寸四分交龍紐高二寸一分

欽文之璽以重文教

墨玉方三寸六分厚一寸五分交龍紐高一寸六

分

表章經史之寶以崇古訓

碧玉方四寸七分厚二寸一分交龍紐高二寸二

分

巡狩天下之寶以從省方

青玉方四寸七分厚二寸交龍紐高二寸五分

討罪安民之寶以張征伐

青玉方四寸八分厚二寸交龍紐高二寸五分
制馭六師之寶以整戎行

墨玉方五寸三分厚一寸四分交龍紐高二寸二分

勅正萬邦之寶以誥外國

青玉方三寸八分厚一寸五分盤龍紐高二寸三分

勅正萬民之寶以誥四方

青玉方四寸一分厚一寸五分交龍紐高二寸

廣運之寶以謹封識

墨玉方六寸厚二寸一分交龍紐高二寸

以上

御寶二十有五貯

交泰殿

御寶蓋高九寸方八寸五分金質釵香草花文外橫高

尺有三寸方尺有二寸木質朱漆繪龍文架高二

尺一寸方尺有八寸栴木爲之朱漆金飾雕刻龍

文寶色池連蓋高三寸四分方六寸四分純素金

質祿墊均用黃緞爲之

御製交泰殿寶譜序曰國初受

天命采古制爲璽掌以內閣承收以宮殿監正襲以重盞承以髹几設交泰殿中以次左右列當用則內閣請而用之其質有玉有金有梅檀香木玉之品有白有青有碧紐有交龍有盤龍有蹲龍其文自

太宗文皇帝以前專用國書旣乃兼用古篆其大小自方六寸至二寸一分不一嘗考大清會典載御寶二十有九今交泰殿所貯三十有九會典又云宮內收貯

者六內庫收貯者二十有三今則皆貯交泰殿數與地皆失實至謂皇帝奉天之寶卽傳國璽兩郊大祀及聖節宮中告天青詞用之此語尤誕謬大祀遵古禮用祝版署名而不用寶聖節宮中未嘗有告天事或道錄祝釐時一行之亦不過偶存其教耳未嘗命文臣爲青詞亦未嘗用寶且此璽孰非世世傳守而專以一寶爲傳國璽亦不經葢緣修會典諸臣無宿學卓識復未曾請

旨取裁只沿明時內監所書冊檔承譌襲謬遂至於此甚

皇朝文獻通考卷二百四十三
三
矣紀載之難也且會典所不載者復有受命於天旣
壽永昌一璽不知何時附藏殿內反置之正中按其
詞雖類古所傳秦璽而篆法拙俗非李斯蟲鳥之舊
明甚獨玉質瑩潔如截肪方得黍尺四寸四分厚得
方之三以爲良玉不易得則信矣若論寶無問非秦
璽卽真秦璽亦何足貴乾隆三年高斌督河時奏進
屬員濬寶應河所得玉璽古澤可愛文與輟耕錄載
蔡仲平本頗合朕謂此好事者仿刻所爲貯之別殿
視爲玩好舊器而已夫秦璽煨燼古人論之詳矣卽

使尙存政斯之物何得與本朝傳寶同貯於義未當
又雍正年故大學士高其位進未刻碧玉寶一文未
刻則未成爲寶而與諸寶同貯亦未當朕嘗論之君
人者在德不在寶寶雖重一器耳明等威徵信守與
車旗章服何異德之不足則山河之險土寓之富拱
手而讓之他人未有徒恃此區區尺璧足以自固者
誠能勤修令德繫屬人心則言傳號渙萬里奔走珍
非和璧制不龍螭篆不斯籀孰敢不敬信奉承尊爲
神明故寶器非寶寶於有德古有得前代符寶君臣

皇朝文獻通考 卷一百四十三
動色矜耀侈為瑞貺者我

太宗文皇帝時獲蒙古所傳元帝國寶容而納之初不藉以為受命之符由今思之

文皇帝之臣服函夏垂統萬世在德耶在寶耶不待智者而知之矣善夫唐梁肅之言曰鼎之輕重墜之去來

視德之高下位之安危然則人君承

祖宗賦畀思以永膺斯寶引而勿替其非什襲固守之謂

謂夫日新厥德居安慮危疑受

皇天大寶命則德足重寶而寶以愈重璽玉自古無定數

今交泰殿所貯歷年既久紀載失真且有重複者爰

天加考正排次定為二十有五以符天數并著成譜而

序其大指如此

御定盛京尊藏寶譜

大清受命之寶

碧玉方四寸八分厚一寸九分蹲龍紐高二寸四

分正式正七員一七八衣盤龍紐高二寸

皇帝之寶

青玉方四寸八分厚一寸九分交龍紐高二寸七

分

皇帝之寶

碧玉方五寸厚一寸八分盤龍紐高三寸

皇帝之寶

大書旃檀香木方三寸八分厚六分素紐高五分

奉天之寶

金方三寸七分厚九分交龍紐高二寸

天子之寶

金方三寸七分厚九分交龍紐高二寸

奉天法祖親賢愛民

碧玉方四寸九分厚一寸五分交龍紐高二寸

丹符出驗四方

青玉方四寸七分厚二寸交龍紐高二寸二分

勅命之寶

青玉方三寸七分厚一寸八分交龍紐高二寸五分

分

廣運之寶

金方二寸四分厚八分交龍紐高一寸五分

以上

御寶十尊藏

盛京

御製盛京尊藏寶譜序曰乾隆十一年春閱交泰殿所貯諸寶既詳定位置為文記之其應別貯者分別收貯至其文或復見及國初行用者為數凡十雖不同於見用之寶而未可與古玩並列因念盛京為國家發祥地

祖宗神爽寶所式憑朕既重繕

列祖寶錄尊藏鳳凰樓上觀揚
光烈傳示無疆想當
開天之始凝受
帝命寶符煥發六服承式璠輿孚尹

手澤存焉記不云乎陳其宗器弘璧琬安陳之西序崇世守也爰奉此十寶齋送盛京鑄而藏之而著其緣起

如此

十三年改鑄

御寶始用清篆文左為清篆右為漢篆

御題交泰殿寶譜序後曰寶譜成於乾隆十一年丙寅越三年戊辰始指授儒臣為清文各篆體書因思向之國寶官印漢文用篆書而清文則用本字者以國書篆體未備也今既定為篆法當施之寶印以昭畫一按譜內青玉皇帝之寶本清字篆文傳自

太宗文皇帝時自是而上四寶均

先代相承傳為世守者不敢輕易其檀香皇帝之寶以下二十有一則朝儀綸綍所常用宜從新制因勅所司一律改鑄與漢篆文相配並紀之寶譜序後云

又內緡書房奏言謹將內閣頒發

誥勅內

制誥之寶四字遵照

欽定玉筋篆體擬篆清文恭呈

御定後交該衙門選擇吉期于

大內祇領應鑄二十二

御寶敬謹改鑄

皇太后

皇后金寶

皇朝文獻通考 卷二百四十三
各宮妃金寶金印均用玉筋篆俟冊封

皇后舉行慶典加上

徽號時交該衙門如式敬謹鑄刻從之

皇上御用各寶

敬天勤民

白玉方二寸九分四周鑄

御製詩并序

臣等謹按是寶

聖祖仁皇帝鈐用

御書壘

世宗憲皇帝收藏

聖祖御寶時特留是寶于外以備鈐用

皇上敬遵

成典亦常鈐用

御書伏讀

御製四言詩仰見

列聖心傳紹述

奕葉重光奉敬

皇朝文獻通考 卷一百四十三
天勤民四字爲家法兢兢業業蓋不啻盤盂几杖之銘洵

乎

聖謨洋洋億萬斯年昭垂無極也已

畏天愛人

青田石陰文方二寸六分高三寸二分上嵌白玉
刻陽紋人物

乾隆尊親之寶

銀晶方二寸六分厚一寸六分雙螭紐高三寸
乾隆尊賢之寶

青玉方二寸二分厚八分獅紐高一寸五分

信天主人

白玉方三寸二分厚一寸三分交龍紐高一寸三

分

古稀天子之寶

青玉方三寸四分四周鑄

御製古稀說

古稀天子之寶

青玉方二寸二分厚一寸蟠螭紐高一寸

皇朝文獻通考 卷二百四十三
六
猶曰孜孜

青玉方二寸二分厚一寸蟠螭紐高一寸二分

臣等謹按以上二寶共爲一分伏讀

御製古稀說

皇上虛懷若谷兢惕彌深惟

古稀之天子備膺

五福五代之麻九如之祝頌不忘規一日萬幾益勤訪

首入慈萬世臣民仰見

古稀天子

猶曰孜孜二寶

聖人莊敬曰強不自暇逸之徵于茲益驗

敬天明理

青玉方四寸厚一寸五分交龍紐高一寸五分

乾清宮寶

青白玉方三寸七分厚一寸三分交龍紐高一寸

二分

重華宮寶

青玉方四寸二分厚一寸五分交龍紐高一寸五

寧壽宮寶

青玉方四寸厚一寸二分交龍紐高一寸六分

淳化軒寶

青白玉方三寸七分交龍紐高一寸五分四面詩

文

圓明園寶

青白玉方三寸九分交龍紐高一寸二分四面詩

文

萬壽山清漪園

青白玉方四寸交龍紐高一寸五分

萬壽山昆明湖

碧玉方三寸九分交龍紐高一寸七分

靜宜園

青玉方三寸厚一寸二分交龍紐高二寸五分

靜明園寶

青白玉方三寸三分龍紐高二寸六分

避暑山莊

青玉方三寸三分龍紐高二寸六分

靜寄山莊

青玉方三寸五分交龍紐高一寸二分四面鐫記

樂壽堂

白玉方二寸厚三分蹲龍紐高一寸

養性殿寶

青白玉方三寸六分厚一寸一分交龍紐高一寸

五分

學詩堂

青白玉方四寸厚一寸五分交龍紐高一寸六分

紀恩堂

青白玉方三寸二分交龍紐高一寸一分四面詩

文

抑齋

青玉方三寸三分厚一寸三分交龍紐高一寸四

分

五福五代堂古稀天子寶

青玉方四寸一分交龍紐高一寸四分

文淵閣寶

青白玉方四寸龍紐高一寸

文源閣寶

青白玉方四寸交龍紐高一寸

文津閣寶

青白玉方三寸龍紐高一寸五分

文溯閣寶

青白玉方四寸交龍紐高一寸五分

臣等謹按乾隆十三年奉

旨檀香皇帝之寶以下二十有一朝儀綸綍所常用宜

從新制一律改鑄內外頒行益昭美備我

國家凝禧集福懋啟苞符嘉玉精璆應期獻瑞續鑄

御寶備列

內廷伏讀五十年重定耕藉典禮

上諭我國家受

命延洪純嘏敷錫世世子孫若能皆似朕之敬勤不倦自

必景祚綿長享國久遠朕所用古稀天子之寶特于

乾清宮存貯一分若我子孫內有享永祚而登上壽

皇朝文獻通考 卷一百四十三
者亦得鈐用此寶煌煌鉅典

創制顯庸超越前古實與

御製交泰殿寶譜序德足重寶而寶以愈重之旨並昭
然揭日月而行謹依次臚載共三十寶其分貯各
宮殿多尊備登寶藪茲不具列云

皇帝行幸齋寶儀凡

車駕行幸內閣中書一人采服乘馬負

御寶在華蓋前行如不設騎駕鹵簿則常服在豹尾班
後隨行

洗寶儀每歲封印日洗

御寶內閣先期奏

聞至期學士典籍各一人赴

乾清門接出洗畢交內監收進

太皇太后金冊玉寶金寶

金冊十頁金寶交龍紐平臺方四寸四分厚一寸

二分玉寶交龍紐方四寸四分紐高二寸六分臺

高一寸八分俱用玉筋篆

皇太后金冊金寶

冊十頁高七寸一分廣三寸二分每頁用三等赤金重十有八兩聯以樞紐面鈹升降龍文內積高九寸長一尺廣六分五分外積高尺有三寸長尺有三寸五寸廣一尺架高二尺一寸方一尺八寸均栴木朱髹金飾繪龍鳳文祗墊均用黃緞金寶交龍紐平臺方四寸四分厚一寸二分清篆左漢篆右篆用玉筋文寶蓋高七寸八分方八寸寶色池高二寸方四寸八分均以六成金製蓋重百有七兩池重六十兩外積繪龍鳳文餘與

皇帝同

皇后金冊金寶制與

皇太后同惟金寶用蹲龍紐

皇貴妃金冊金寶

冊十頁每頁用八成金重十有五兩積以杉木架以椴木朱髹金飾繪鸞鳳文餘與

皇后同

金寶蹲龍紐平臺方四寸厚一寸二分寶蓋金製寶色池銀製金飾積以杉木架以椴木朱髹金飾

皇朝文獻通考 卷二百四十三
繪鸞鳳文祿墊用柘黃色

貴妃金冊金寶

冊十頁每頁用八成金重十有五兩冊寶積繪雲

鳳文餘製與

皇貴妃同

妃金冊金印

冊十頁每頁七成金重十有四兩八錢餘與

貴妃同

金印龜鈕平臺方三寸六分厚一寸印蓋印色池

制如

貴妃

嬪金冊

冊四頁每頁用六成金重十有四兩六錢有奇祿

墊用紅緞

和碩親王

金寶龜鈕平臺方三寸六分厚一寸芝英篆

親王世子

金寶龜鈕平臺方三寸五分厚一寸芝英篆

多羅郡王

飾金銀印麒麟鈕平臺方三寸四分厚一寸芝英

篆

朝鮮國王

金印龜鈕平臺方三寸五分厚一寸芝英篆

琉球國王 安南國王 暹羅國王

俱飾金銀印駝鈕方三寸五分厚一寸尙方大篆

公侯伯

俱銀印虎鈕方三寸三分厚九分公三臺侯伯二

臺柳葉篆

衍聖公

銀印直鈕三臺方三寸三分厚一寸尙方大篆

宗人府

銀印直鈕三臺方三寸三分厚一寸尙方大篆

經畧大臣 大將軍 將軍 領侍衛內大臣

銀印虎鈕二臺方三寸三分厚九分柳葉篆

辦理軍機事務處

銀印直鈕二臺方三寸二分厚八分尙方大篆

六部

銀印直紐初爲二臺方三寸二分厚八分乾隆二年更爲三臺方三寸三分厚九分尙方大篆

臣等謹按部院以下百司印信大小厚薄形制攸殊而部院分司及

欽差大臣官員間有用關防者雖方長之式不同而所以昭信守防詐僞則一也自乾隆十三年

欽定清篆改鑄印文所用篆體皆以品秩爲序不分印信關防文職首尙方大篆次小篆次鐘鼎篆次垂

露篆武職首柳葉篆次爻篆次懸針篆尊卑有差秩然不紊茲所編次一遵此例而以京朝官爲先外官次之京朝官則先文職次武職外官則先駐防將軍副都統辦事大臣等次文職次武職喇嘛僧道等則附見於後焉

都察院

銀印直紐初爲二臺方三寸二分厚八分乾隆二年更爲三臺方三寸三分厚九分尙方大篆

理藩院

皇朝文獻通考 卷一百四十三
銀印直鈕初爲二臺方三寸二分厚八分乾隆二
年更爲三臺方三寸三分厚九分尙方大篆兼滿
漢蒙古三種字惟蒙古字不用篆

盛京五部

銀印直鈕二臺方三寸二分厚八分尙方大篆

戶部總理三庫事務

銀印直鈕二臺方三寸二分厚八分尙方大篆

翰林院

初定銅印方二寸四分厚五分乾隆十四年更定

銀印二臺方三寸二分厚八分尙方大篆

內務府

初定銅印方二寸七分厚八分乾隆十四年更定

銀印二臺方三寸二分厚八分尙方大篆

盛京內務府

銀印直鈕二臺方三寸二分厚八分尙方大篆

景陵

泰陵內務府總管

東陵

秦陵承辦事務 督理京省錢法

銅關防長三寸濶一寸九分尙方大篆

鑾儀衛

銀印直鈕二臺方三寸二分厚八分尙方大篆

通政使司 大理寺 順天府 奉天府

銀印直鈕方二寸九分厚六分五釐清漢文小篆

太常寺

初定銅印直鈕方二寸七分厚九分雍正元年改

銀印方二寸九分厚六分五釐清漢文小篆

詹事府

初定銀印直鈕方二寸九分厚六分五釐後改銅

印方二寸七分厚九分均清漢文小篆

光祿寺 太僕寺 武備院 上駟院 奉宸院

銅印直鈕方二寸六分厚六分五釐均清漢文小

篆

內繙書房

銅關防長三寸濶一寸九分清漢文小篆

鴻臚寺 國子監

皇朝文獻通考 卷二百四十三
銅印直鈕方二寸五分厚六分鐘鼎篆

左右春坊 司經局 欽天監 太醫院

銅印直鈕方二寸四分厚五分鐘鼎篆

各道監察御史

銅印直鈕有孔方一寸五分厚三分鐘鼎篆

宗人府左右司 六部理藩院各司 太僕寺左

右司 鑾儀衛左右司

銅印直鈕方二寸四分厚五分鐘鼎篆

內務府各司 鑾儀衛馴象等所

銅印直鈕方二寸二分厚四分五釐鐘鼎篆

提督會同四譯館 崇文門稅務 各部分司

各部監督 左右翼管稅 戶部銀庫緞匹庫顏

料庫 戶部辦理八旗俸餉 戶部辦理八旗現

審 工部管理街道 各倉監督 順天奉天府

丞提督學政 臺灣巡察官員 各處督理鈔關

抽分

銅關防長三寸濶一寸九分鐘鼎篆

巡視五城御史 管理古北口驛務 管理獨石

口驛務

銅關防長二寸八分濶一寸九分鐘鼎篆

盛京戶部工部各庫 織染局 估計所

銅關防長二寸九分濶一寸九分鐘鼎篆

六科 時憲書

銅印直鈕方二寸一分厚四分四釐均清漢文鐘

鼎篆

吏部兵部稽俸廳 大理寺左右寺丞光祿寺四

署 五城兵馬司 樂部和聲署

銅印直鈕方二寸二分厚四分五釐垂露篆

中書科

銅印直鈕方二寸一分厚四分四釐垂露篆

內閣典籍廳

銅關防長三寸濶一寸九分垂露篆

臣等謹按

國初設內三院俱三臺銀印方三寸二分厚八分康

熙十五年改爲內閣以原印繳部改鑄內閣典籍

關防

宗人府銀庫 翰林院典簿 禮部鑄印局 刑

部贓罰庫 理藩院銀庫 工部料估所 各部

院督催所 工部製造庫 工部

銅關防長三寸濶一寸九分垂露篆

稽察 稽察黑龍江等處 稽察寧

盛京五部將軍衙門 稽察歸化城等處 稽察游牧等處

古塔等處 順天府治中 奉天府治中

銅關防長二寸九分濶一寸九分垂露篆

管理殺虎口路驛站 管理金周俄佛羅等站

總管大凌河牧場 銅關防長二寸八分濶一寸九分四品官任者鐘

鼎篆五品官任者垂露篆 宗人府經歷司

銅印直鈕方二寸四分厚五分垂露篆 都察院經歷司

銅印直鈕方二寸二分厚四分五釐垂露篆 通政使經歷司

鑾儀衛經歷司 太常寺典簿

皇朝文獻通考 卷二百四十三

皇朝文獻通考 卷二百四十三

皇朝文獻通考 卷二百四十三

皇朝文獻通考 卷二百四十三

皇朝文獻通考 卷二百四十三

皇朝文獻通考 卷二百四十三

皇朝文獻通考 卷二百四十三

光祿寺典簿 詹事府典簿 太僕寺典簿各

部院寺司務廳

銅印直紐方二寸一分厚四分四釐垂露篆

國子監繩愆廳博士廳典簿廳 鴻臚寺主簿

欽天監主簿 各壇廟祠祭署

銅印直紐方二寸厚四分二釐垂露篆

刑部司獄司 光祿寺銀庫 太醫院藥庫 國

子監典籍廳 寶泉局 寶源局 神樂觀 犧

牲所

銅印直紐方一寸九分厚四分二釐垂露篆

禮部鑄印局大使

銅條記長二寸六分濶一寸九分垂露篆

都統 護軍統領 前鋒統領 火器營統領

銀印虎紐二臺方三寸三分厚九分柳葉篆

嚮導總領

銀印虎紐二臺方三寸二分厚八分柳葉篆

提督九門步軍統領

圓明園總管八旗內府三旗官兵

銀印虎鈕二臺方三寸三分厚九分柳葉篆

總理雲梯健銳營 八旗傳事

銀關防直鈕長三寸二分濶二寸柳葉篆

總理西海番子官

銅關防三寸二分濶二寸柳葉篆

總管

御飯房茶房 內務府護軍統領 叅領 協領 雲

梯健銳營翼長 各處總管

銅關防長三寸濶一寸九分及篆

八旗佐領 宗室覺羅族長 覺羅子女 內管

領

咸安宮官學 景山官學

養心殿造辦處

銅圖記方一寸七分厚四分五釐懸針篆

看守通州三倉首領

銅關防長三寸濶一寸九分懸針篆

旗手衛左右司

銅印直鈕方二寸二分厚四分五釐懸針篆

鎮守將軍

銀印虎鈕二臺方三寸三分厚九分柳葉篆

副都統

銀印虎鈕二臺方三寸二分厚八分柳葉篆

察哈爾都統

銀印虎鈕二臺方三寸三分厚九分用滿洲蒙古

二種字滿文柳葉篆

察哈爾左右翼副都統

銀印虎鈕二臺方三寸二分厚九分用滿洲蒙古

二種字滿文柳葉篆

扎薩克 盟長

銀印虎鈕方三寸三分厚九分用滿洲蒙古二種字

總統伊犁等處將軍

銀印虎鈕二臺方三寸三分厚九分兼滿漢托忒

回子四種字滿漢文俱柳葉篆

辦理伊犁烏魯木齊等處事務大臣

銀印虎鈕二臺方三寸三分厚九分兼滿漢托忒

三種字滿漢文俱柳葉篆

伊犁分駐雅爾城總理叅贊大臣

銀印虎鈕二臺方三寸三分厚九分兼滿漢回子

三種字滿漢文俱柳葉篆

辦理葉爾羌等處大臣

銀印虎鈕二臺方三寸三分厚九分均滿漢回子

三體字清文柳葉篆

辦理哈密糧餉事務大臣

銀印虎鈕二臺方三寸三分厚九分柳葉篆

管理巴里坤等處官兵市集事務大臣

銀印虎鈕二臺方三寸三分厚九分柳葉篆

管理厄魯特二十一處內大臣

銅印方三寸三分厚九分柳葉篆兼滿漢托忒三

種字

駐防哈密統領

銅關防長三寸濶一寸九分柳葉篆

八旗游牧總管 察哈爾總管 城守尉

銅印方二寸六分厚六分五釐及篆

辦理伊犁糧餉馬駝事務 駐扎伊犁管理烏嚕木齊等處各總管 惠寧城協領

銅質長三寸濶一寸九分均清文托忒回子三體字清文及篆

辦理葉爾羌印房事務 喀什噶爾糧餉處回務處 庫車印房回務處

銅質長三寸濶一寸九分均清漢回子三體字清漢文垂露篆

塔爾巴哈台總管 四營營長

銅質長三寸濶一寸九分均清文托忒二體字清文及篆

管理哈喇沙爾印房事務

銅質長三寸濶一寸九分清漢托忒回子四體字清漢文垂露篆

辦理葉爾羌軍台卡倫事務

銅質長三寸濶一寸九分清漢回子三體字清漢文及篆

辦理葉爾羌糧餉事務

銅質長二寸八分濶一寸九分清漢回子三體字
清漢文垂露篆

辦理和闐糧餉局事務

銅質長二寸八分濶一寸九分清漢回子三體字

清漢文懸針篆

管理塔爾巴哈台吐魯番等處城守營事務 管

理吐魯番哈喇沙爾等處屯田事務 管理庫車

城守營軍台牧廠事務 管理精河庫爾喀喇烏

蘇等處屯田事務

銅質長二寸八分濶一寸九分均清漢文懸針篆

管理伊犁惠寧城等處官員兵丁各領隊大臣

管理烏魯木齊厄魯特部落領隊大臣

銅圖記方二寸七分厚六分五釐均清文托忒回

子三體字及篆

管理烏魯木齊滿洲官兵領隊大臣

銅圖記方二寸七分厚六分五釐清文托忒二體

字及篆

管理古城領隊大臣

銅圖記方二寸七分厚六分五釐清漢托忒三體字清漢文及篆

辦理哈喇沙爾大臣

銅圖記方二寸七分厚六分五釐清漢托忒回子

四體字清漢文及篆

駐劄阿克蘇領隊大臣

銅圖記方二寸七分厚六分五釐清漢回子三體

字清漢文及篆

塔爾巴哈台領隊大臣

銅圖記方二寸七分厚六分清文托忒二體字及篆

管理庫爾喀喇烏蘇等三屯事務

銅圖記方二寸六分厚六分五釐清漢托忒三體

字清漢文及篆

盛京八旗 吉林 黑龍江 駐防伊犁八旗 惠

寧城 巴里坤 古城 吐魯番等處各佐領

銅圖記方一寸七分厚四分五釐均清文懸針篆

惠寧城 靖遠城 固爾扎各管倉務官 駐劄

伊犁 沙必納爾各佐領 葉爾羌 喀什噶爾

阿克蘇 和闐 烏什等處大城阿奇木伯克

銅圖記方一寸七分厚四分均清托忒回子三體

字清文懸針篆

塔爾巴哈台佐領

銅圖記方一寸七分厚四分清文托忒二體字清

文懸針篆

葉爾羌 喀什噶爾 阿克蘇 和闐 烏什等

處中城小城阿奇木伯克

銅圖記方一寸六分厚四分均清文托忒回子三

體字清文懸針篆

辦理和闐印房事務 管理庫車糧餉事務

銅圖記長二寸四分濶一寸六分均清漢回子三

體字清漢文垂露篆

管理晶河糧務 管理哈喇沙爾糧餉事務

銅圖記長二寸四分濶一寸六分均清漢文垂露

篆

管理

御園

銅條記長二寸六分濶一寸六分五釐清漢文鐘

鼎篆

盛京六品管庄

銅條記長二寸六分濶一寸三分清漢文垂露篆

黑龍江 齊齊哈爾 墨爾根城 呼蘭城等處

各七品管屯庄

銅條記長二寸四分濶一寸二分均清漢文懸針

篆

守邊門官

銅條記長二寸四分濶一寸三分清漢文任文職

者垂露篆任武職者懸針篆

辦理英阿雜爾和闐烏什庫車哈喇沙爾闡展等

處事務

銅圖記方二寸二分厚四分五釐兼滿漢回子三

種字滿漢文俱及篆

駐防左右翼長協領叅領

銅條記長二寸六分濶一寸六分五釐及篆

興京等城守尉

銅關防長三寸濶一寸九分及篆

錦州等城守尉

銅關防長二寸九分濶一寸九分及篆

阿勒楚喀倉監督 牛羊羣左右翼副總管 上

都達布遜馬駝總管 牛莊城守尉

銅關防長二寸八分濶一寸九分及篆

防守尉

銅關防長二寸八分濶一寸九分三品者及篆四

品者懸針篆

駐防佐領

銅條記長二寸六分濶一寸六分五釐懸針篆

直省總督

倉場總督河道漕運總督並同

巡撫

初用銅關防長三寸二分濶二寸雍正九年改銀

關防尙方大篆

直隸總督陝甘總督四川總督鑄兼巡撫字樣江西巡撫河南巡撫

山東巡撫鑄兼提督銜字樣山西巡撫鑄兼提督鹽政字樣

欽差大臣

銅關防如督撫式三品以上用之

各省承宣布政使司

銀印直紐二臺方三寸一分厚八分清漢文小篆

各省提刑按察使司

銅印直紐方二寸七分厚九分清漢文小篆

鑄管
驛傳

各省鹽運使司

銅印直紐方二寸六分厚六分五釐清漢文鐘鼎

篆

各省提督學政

銅關防長二寸九分濶一寸九分清漢文小篆

巡察臺灣兼管學政 管理織造

銅關防長二寸九分濶一寸九分鐘鼎篆

各省守巡道

銅關防長三寸濶一寸九分鐘鼎篆

欽差官員

銅關防如道員式三品以下用之

各府

銅印直紐方二寸五分厚六分垂露篆

各府同知通判 兩淮衛所監掣官

銅關防長二寸八分濶一寸九分垂露篆 吐爾番同知鑄

回子字樣綏化同知鑄托忒字樣

各州

銅印直鈕方二寸三分厚五分垂露篆

京縣

銅印直鈕方二寸二分厚四分五釐垂露篆

各縣

銅印直鈕方二寸一分厚四分五釐垂露篆

鹽課提舉司

銅印方二寸四分厚五分垂露篆

布政使司經歷司 理問所

銅印方二寸二分厚四分五釐垂露篆

按察使司經歷司 京府經歷司 鹽運使司經

歷司

銅印方二寸一分厚四分四釐垂露篆

布政使司照磨所 京府儒學 各府經歷司

銅印方二寸厚四分二釐垂露篆

京府照磨所 司獄司 按察使司照磨所 司

獄司 各府照磨所 司獄司 各府儒學 衛

儒學 布政司庫大使 府庫大使 巡檢司

都稅司 稅課司 茶馬司

銅印方一寸九分厚四分垂露篆

各州縣儒學

銅條記長二寸六分濶一寸六分五釐垂露篆

庫大使 縣丞 主簿 吏目 鹽課所 批驗

所 各驛丞 遞運所 各局 各倉 各關

銅條記長二寸四分濶一寸三分垂露篆

提督總兵官

銀印虎鈕三臺方三寸三分厚九分柳葉篆

鎮守總兵官

銅關防長三寸二分濶二寸柳葉篆

副將 叅將 遊擊

銅關防長三寸濶一寸九分及篆

宣慰司

銅印方二寸七分厚九分及篆

皇朝文獻通考 卷一百四十三
都司僉書

銅關防長三寸濶一寸九分懸針篆

營都司 衛所千總

銅關防長二寸八分濶一寸九分懸針篆

守備

銅條記長二寸六分濶一寸六分五釐懸針篆

外衛守備

銅印方二寸六分厚只八分五釐懸針篆

宣撫司

銅印方二寸五分厚六分五釐懸針篆
宣撫司副使 安撫司 天津府左右所領運千

總

銅印方二寸四分厚五分五釐懸針篆

長官司 指揮僉事

銅印方二寸二分厚四分五釐懸針篆

京衛外衛經歷司 宣慰司經歷司

銅印方二寸一分厚四分四釐垂露篆

土千戶

皇朝文獻通考 卷二百四十三
銅印方二寸三分厚四分五釐懸針篆

土百戶

銅印方二寸厚四分二釐懸針篆

管理

京城喇嘛班第 管理

盛京喇嘛班第

銅印方二寸二分厚四分五釐滿文用轉宿篆

正乙真人

銅印方二寸四分厚五分垂露篆

臣等謹按舊例大真人銀印二臺方三寸一分厚

八分後改給銅印

僧錄司 道錄司

銅印方二寸二分厚四分五釐垂露篆

順治元年置禮部鑄印局掌造印信滿文左漢文

右字樣由內院撰發

又定每歲封印開印先期禮部劄欽天監擇吉具

題行知內外名衙門

喇嘛圖克圖其印或銀質或金質 扎薩克大喇

喇其印銅質俱俟

特賜均雲鈕其文或用清文蒙古唐古忒字不篆或清

漢文轉宿篆候

旨遵鑄

禪師印雲鈕清漢文轉宿篆與喇嘛印大小俱無

定式奉

旨鑄給隨時酌定

六年鑄

行在六部都察院鑾儀衛印凡各衙門官員扈從令

攜以行

十六年鑄

行在通政司大理寺翰林院太常寺太僕寺光祿寺

鴻臚寺欽天監太醫院各印

康熙二十九年

諭凡差遣審事官員不必鑄給印信事完日其本章卽繕

明啟奏日期用地方督撫印信如事關督撫卽用藩臬

印信事關督撫藩臬則用提鎮印信

雍正元年

諭印信乃一應事件憑據不惟藩臬印信卽州縣印信亦屬緊要著禮部埃有數印一同交與欽天監選擇吉日鑄給禮部議准凡鑄印信關防令欽天監擇吉日專委禮部官監造務期鑄刻精工字畫端楷鑄成禮部堂官驗明將監造官姓名書於冊如有銀色不足銅質不精及字畫模糊者將監造官叅處並令加倍賠補

三年定各處巡鹽御史止給一印令新舊官交代職掌舊例巡鹽各差有二印新任帶一印前往舊

任帶一印回繳以備中途有事具奏用印至是議鹽差專爲鹽務而設必到任受事方用印信若新舊官各有一印恐滋弊端嗣後止給一印令新舊官交代從之

六年

諭向來鑄造金銀寶印所用金銀皆有一定成色應遵照該部定例辦理不可草率令金銀成色不足嗣後凡有鑄印之事卽徵官印信皆先期令欽天監選擇吉日然後鑄造鑄就之後送內閣著內閣學士閱看再行頒發

並將鑄印及頒發日期存案備察

乾隆七年議准凡內外官繳送舊印令於印文正

中鐫一繳字送部銷毀

十三年初製清篆改鑄百官印信清篆左漢篆右

印文以品秩為序文職一二品尚方大篆內三品

外布政使司按察使司提督學政鹽運使司清漢

文小篆內四五品外三四品鍾鼎篆內六品外五

品以下垂露篆武職一二品柳葉篆三四品及篆

四五品以下懸針篆

臣等謹按明史禮志諸司印信俱用九疊篆文惟
監察御史八疊篆征西等將軍柳葉篆

國初仍明舊制至是

欽定國書篆體施于符印印文以品秩為序文武有別

大小有章制度蓋盡善矣

十四年禮部奏理藩院堂印蒙古字應否仍照本

文鐫刻得

旨理藩院印文之蒙古字不必篆書外藩扎薩克盟長

喇嘛並蒙古西藏一應滿洲蒙古唐古忒文亦不必

篆書其在京扎薩克大喇嘛卽滿文具篆書蒙古文
不必篆書

更鑄經畧大將軍印文

諭曰近用新定清文篆書鑄造各衙門印信所司檢閱
庫中所藏經畧大將軍將軍諸印凡百餘顆皆前此
因事頒給經用繳還未經銷燬者會典復有命將出
師請旨將庫中印信頒給之文遂至濫觴朕思虎符
鵠鈕用之軍旅所以昭信無取繁多庫中所藏其中
振揚威武建立膚功者具載

歷朝實錄班班可考今擇其克捷奏凱底定迅速者經略

印一大將軍將軍印各七分匣收貯稽其事迹始末
刻諸文筭足以傳示奕禩卽仍其清漢舊文而配以
今製清文篆書如數重造遇有應用具奏請旨頒給
一并藏之皇史宬其餘悉交該部銷燬此後若遇請
自皇史宬而用者歲事仍歸之皇史宬若偶因一事
特行頒給印信者事完交部銷燬將此載入會典

臣等謹按

御定印譜經畧印一文曰

欽命總理一切軍務儲精經畧大臣關防奉命撫遠寧
遠安東征南平西平北大將軍印各一鎮海揚威
靖逆靖東征南定西定北將軍印各一
御製印譜序曰國家膺圖御宇

神聖代興赫濯捷伐光啟

鴻業時則有推轂命將之典及功成奏凱還上元戎佩印
載在冊府藏之史宬蓋法物留貽不啻如曩籍所稱
玉節牙璋尚方齊斧者比乾隆十三年釐考國書篆
字成因詳加酌定交泰殿所遵奉

世傳御寶仍依本文不敢更易其常行誥勅所鈐用以及

部院司寺已下外而督撫提鎮已下咸改鑄篆文以
崇典章昭法守而大將軍經畧及諸將軍之印或存
舊或兼篆一依交泰殿諸寶之例各以時代爲次茲
西陲武功將竣爰譜圖系說如左書曰其克詰爾戎
兵以陟禹之迹方行天下至於海表罔有不服信夫
兵可百年不用不可一日不備披斯譜也必將曰是
印也是我朝某年殄某寇定某地所用也又將曰是
印也鑄自某年某官旣奉以集事傳至某年某官復

奉以策勲者也想見一時受成

廟算元老壯猷豐鈕重臺焜燿耳目繼自今覲揚

元烈思所以宏此遠謨弼我億萬世丕丕基將於是乎在
以視銘績鼎鐘圖形臺閣者不尤深切著明也歟然
則觀於寶譜而一人守器之重可知觀於印譜而羣
才翊運之殷又可知詩曰王之蓋臣無念爾祖記曰
君子聽鼓鼙則思將帥之臣一再披閱其何能置大
風猛士之懷哉裝潢戲事並令守者什襲尊藏爲部
凡四一皇史宬一大內一內閣一盛京也

十六年議准凡印信關防鑄成四角各留一柱本
官領印截去柱磨平印邊以啟用日期報部存案
兵部郵符順治初年題準勘合火牌內填註奉差
官役姓名並所給夫馬車船廩給口糧數目如填
註遺漏罰俸六個月應用硃筆用墨筆者罰俸三
月
雍正四年奉

旨步軍統領衙門及正陽西直二門各給陰文合符一扇
傳諭步軍統領如遇夜有奉旨差遣及緊急軍務應卽

時啟門正陽西直二門候大內轉出陽文合符至門該
城門領將該門之陰文合符照驗明白即行啟門仍報
知統領其餘各門遇陽文合符至門該城門領即報統
領親齎陰文合符至門與陽文合符照驗啟門於次日
具奏平時啟閉仍遵例行

皇朝文獻通考卷一百四十三



